

„საქართველოს ახალგაზრდა ელჩების პროგრამა“

(იყავი შენი ქვეყნის ახალგაზრდა ელჩი)

1. „საქართველოს ახალგაზრდა ელჩების“ პროგრამის მიზნების შესახებ

„საქართველოს ახალგაზრდა ელჩების“ პროგრამა წარმოადგენს საქართველოს საგარეო საქმეთა სამინისტროს პროგრამას. პროგრამის საშუალებით იმ ახალგაზრდებს, რომლებიც ცხოვრობენ საზღვარგარეთ, შესაძლებლობა მიეცემათ ერთწლიანი მანდატით გახდნენ „ახალგაზრდა ელჩები“ ადგილსამყოფელ ქვეყნებში და მოახდინონ მათი თანატოლი ქართველი და უცხოელი ახალგაზრდების ინფორმირება ჩვენი ქვეყნის ეკონომიკის, განათლების, კულტურის, სპორტის, ახალგაზრდული პოლიტიკისა და ისტორიის შესახებ.

„ახალგაზრდა ელჩების“ მთავარი ამოცანა არის იმ კულტურული, საგანმანათლებლო და სპორტული ღონისძიებების განხორციელება, რომელთა მიზანს საქართველოს პოპულარიზაცია წარმოადგენს. პროექტში მონაწილე ახალგაზრდები ჩამოაყალიბებენ საქართველოს უცხოელ ახალგაზრდა მეგობართა ქსელს.

აღნიშნული პროგრამის წარმატებით განხორციელებით საქართველოს საგარეო საქმეთა სამინისტროს მიეცემა საშუალება მჭიდრო კავშირი დაამყაროს ქართული დიასპორის ახალგაზრდა წარმომადგენლებთან და უფრო მეტად შეუწყოს მათ ხელი კულტურულ-შემეცნებითი და საგანმანათლებლო ღონისძიებებისა და ინიციატივების განხორციელებაში.

პროგრამის მიზანს წარმოადგენს „ახალგაზრდა ელჩების“ ადგილსამყოფელ ქვეყნებში

- საქართველოს პოპულარიზაცია;
- საქართველოს უცხოელ ახალგაზრდა მეგობართა ქსელის შექმნა;
- ქართული დიასპორის წარმომადგენლებთან ურთიერთობა;
- საჯარო სამსახურისათვის პერსპექტიული კადრების წარმოჩენა;

პროგრამის ფარგლებში მსოფლიოს სხვადასხვა ქვეყანაში „ახალგაზრდა ელჩების“ შერჩევა ხდება ღია კონკურსის საფუძველზე. კანდიდატები შეირჩევიან საქართველოს საგარეო საქმეთა სამინისტროს მიერ განსაზღვრულ შემდეგ 35 ქვეყანაში:

- ავსტრიის რესპუბლიკა
- აზერბაიჯანი
- ამერიკის შეერთებული შტატები
- ბელარუსი
- ბელგიის სამეფო
- ბულგარეთი
- გერმანიის ფედერაციული რესპუბლიკა
- დანია

- დიდი ბრიტანეთისა და ჩრდილოეთ ირლანდიის გაერთიანებული სამეფო
- ესპანეთის სამეფო
- ესტონეთი
- თურქეთის რესპუბლიკა
- იაპონია
- ირლანდია
- ისრაელის სახელმწიფო
- იტალიის რესპუბლიკა
- კანადა
- კვიპროსი
- კორეა
- ლატვია
- ლიეტუვა
- მალტა
- მოლდოვა
- ნიდერლანდების სამეფო
- ნორვეგია
- პოლონეთის რესპუბლიკა
- საბერძნეთის რესპუბლიკა
- საფრანგეთის რესპუბლიკა
- უკრაინა
- უნგრეთი
- ფინეთი
- შვეიცარია
- შვედეთის სამეფო
- ჩინეთი
- ჩეხეთის რესპუბლიკა

კონკურსის შედეგად შერჩეული „ახალგაზრდა ელჩების“ მონაწილეობით საქართველოში გაიმართება ახალგაზრდა ელჩების ამბასადორიალი, რომლის ფარგლებშიც „ახალგაზრდა ელჩები“ წარმოადგენენ საკუთარ ინიციატივებსა და ერთი წლის სამოქმედო გეგმას. ასევე, შეხვედებიან კულტურის, პოლიტიკის, ეკონომიკის, დიპლომატიური და სხვა სექტორების წარმომადგენლებს.

2. პროგრამის კონკურსში მონაწილეობის თანაბარი უფლების შესახებ

საზღვარგარეთ მცხოვრებ 18-დან 29-წლამდე საქართველოს ყველა მოქალაქეს აქვს თანაბარი უფლება ისარგებლოს „საქართველოს ახალგაზრდა ელჩების“ პროგრამის ფარგლებში გამოცხადებულ კონკურსში დისკრიმინაციის გარეშე განურჩევლად რასისა, კანის ფერისა, სქესისა, ენისა, რელიგიისა, პოლიტიკურ ან სხვა შეხედულებისა, ეროვნული ან სოციალური წარმოშობისა, ქონებრივი მდგომარეობისა, დაბადების ადგილისა ან სხვა ნიშნისა ამ პროგრამით დადგენილი პირობების გათვალისწინებით.

3. განაცხადით მომართვის პროცესისა და საკონკურსო ვადების შესახებ

- „საქართველოს ახალგაზრდა ელჩების“ პროგრამის კონკურსის ფარგლებში განაცხადების წარმოდგენის ვადაა 31 ოქტომბრიდან - 20 ნოემბრის ჩათვლით (თბილისის დროით 19:00 სთ), 2019 წ.
- მითითებული ვადების დარღვევით გადმოგზავნილი საბუთები არ განიხილება;
- არასრული განაცხადი არ განიხილება;
- საკონკურსო განაცხადების და შესაბამისი დოკუმენტაციის (ქართულ ენაზე ან ნოტარიულად დამოწმებული თარგმანის) მიღება მითითებული ვადების გათვალისწინებით ხდება ელექტრონული ელ. ფოსტის მისამართზე - diaspora@mfa.gov.ge;
- დამატებითი კითხვების შემთხვევაში დაგვიკავშირდით: ტელ.: (+995 32) 2945000, შიდა - 3102; 3103 ან 3111.

4. საკონკურსო პირობები

- კონკურსში მონაწილეობის მიღება შეუძლია 18-დან 29-წლამდე ახალგაზრდას, რომელიც არის საქართველოს მოქალაქე, ცხოვრობს საზღვარგარეთ და ფლობს საქართველოს სახელმწიფო ენას;
- აქვს ახალგაზრდულ სფეროში მუშაობის გამოცდილება;
- აქვს პროექტების მართვის გამოცდილება;
- სასურველია ჰქონდეს ადგილსამყოფელ ქვეყანაში მოქმედ დიასპორულ ორგანიზაციებთან ურთიერთობის გამოცდილება;
- სასურველია ჰქონდეს ადგილსამყოფელი ქვეყნის საჯარო ან კერძო სტრუქტურაში მუშაობის/სტაჟირების/პრაქტიკის გამოცდილება;
- სასურველია ადგილსამყოფელი ქვეყნის ოფიციალურ ენის ცოდნა.

5. წარმოსადგენი დოკუმენტები

- შევსებული საკონკურსო განაცხადი;
- სამოქმედო გეგმა;
- სამოტივაციო წერილი;
- ფოტოსურათი;
- CV ქართულ ენაზე;
- საქართველოს პასპორტის ქსეროასლი (ასეთის არსებობის შემთხვევაში);
- საზღვარგარეთ ლეგალურად ყოფნის დამადასტურებელი საბუთი (სასწავლო ვიზა, ცხოვრების ნებართვა);
- ცნობა სტუდენტის სტატუსის შესახებ (ასეთის არსებობის შემთხვევაში);
- ცნობა მუშაობის უფლების შესახებ (ასეთის არსებობის შემთხვევაში);
- რეკომენდაციები, სერტიფიკატები, დიპლომები და სხვა (ასეთის არსებობის შემთხვევაში).

6. კონკურსანტის შერჩევის პროცესის შესახებ

კონკურსანტების შერჩევა სამსაფეხურიან პროცესს გულისხმობს, სადაც პირველი ეტაპი განაცხადისა და თანდართული დოკუმენტაციის ადმინისტრაციულ (ფორმალურ) შემოწმებას ითვალისწინებს. ადმინისტრაციული (ფორმალური) შემოწმებისას დგინდება განაცხადისა და თანდართული დოკუმენტაციის საკონკურსო პირობებთან შესაბამისობა. ადმინისტრაციულ (ფორმალურ) შემოწმებას ახორციელებს საქართველოს საგარეო საქმეთა სამინისტრო.

იმ შემთხვევაში, თუ წარმოდგენილი განაცხადისა და თანდართული დოკუმენტაცია სრულყოფილია და ფორმალურად აკმაყოფილებს საკონკურსო მოთხოვნებს, კონკურსანტი გადადის შერჩევის მეორე ეტაპზე.

მეორე ეტაპი - განაცხადისა და თანდართული დოკუმენტაციის კომისიის მიერ ხარისხობრივ (შინაარსობრივ) შეფასებას ითვალისწინებს. შეფასება კონკრეტული კონკურსისათვის დადგენილი მოთხოვნების შესაბამისად ხდება, სადაც განსაკუთრებული მნიშვნელობა ენიჭება სამოტივაციო წერილს, სამოქმედო გეგმის პროექტს და ა.შ.

მესამე ეტაპი - კომისიასთან გასაუბრება.

იმ შემთხვევაში, თუ აპლიკანტი იმყოფება საზღვარგარეთ, გასაუბრება ჩატარდება სკაიპის საშუალებით.

7. კომისიის შესახებ

„ახალგაზრდა ელჩებს“ სპეციალურად შექმნილი კომისია შეარჩევს. კომისია დაკომპლექტებულია საქართველოს საგარეო საქმეთა სამინისტროს და საქართველოს განათლებისა, მეცნიერების, კულტურისა და სპორტის სამინისტროს წარმომადგენლებით.

8. კონკურსანტების ინფორმირება შედეგების შესახებ

კონკურსანტების ინფორმირება საბოლოო შედეგის შესახებ ერთდროულად ხდება. კონკურსანტს გასაუბრების შედეგების შესახებ ეცნობება გასაუბრების დასრულებიდან ათი დღის განმავლობაში განაცხადში მითითებული ელ. ფოსტის მისამართზე.

9. დაფინანსების შესახებ

შერჩეულ კანდიდატს დაფინანსება გამოეყოფა მაქსიმუმ 7000 ლარამდე. (შეგახსენებთ, სამოქმედო გეგმაში შესული ღონისძიებებისათვის განსაზღვრული თანხის სრული ოდენობა არ უნდა აღემატებოდეს 7000 ლარს).

10. სახელშეკრულებო ურთიერთობები

საქართველოს საგარეო საქმეთა სამინისტროსა და შერჩეულ კანდიდატს შორის გაფორმდება ხელშეკრულება, რომლის ფარგლებშიც კონკურსში გამარჯვებულ კანდიდატებს ერთწლიანი სამოქმედო გეგმის განსახორციელებლად გამოეყოფათ თანხა 7000 ლარის ოდენობით.

საქართველოს საგარეო საქმეთა სამინისტრო შერჩეულ ქვეყნებში, საზღვარგარეთ საქართველოს დიპლომატიური წარმომადგენლობების მეშვეობით უზრუნველყოფს, „ახალგაზრდა ელჩის“ საქმიანობის მონიტორინგს.